

Dr. J. Hartog
Wilhelmsdijk,
Overseespost.

4

XXVI

6 Juni 1962

Prijs exemplaar 50 cent

OBSERVADOR

Semanario Informativo Netamente Arubiano



P. P. A.

a

mantené su
cinco sientonan



Suscrito, candidato No. 3
riba lista di A.V.P., recién
elegi como miembro di Sta-
ten, pa medio di esaki kier
expresa su plena gratitud na tur esnan cu a deposita
nan confianza den su persona durante eleccion di dia-
luna pasá.

Maximo Croes.

N.V. Electriciteit - Mij. Aruba
„ELMAR”
ORANJESTAD, ARUBA

E COMPANIA DI CORRIENTE NA ARUBA

ta ofrece facilidanan atractivo pa
industrianan nobo y un staf tecnico
cu experiencia pa bo problemanan electrico.



Tel. 2170

"OBSERVADOR"

Edita y publica door di:
Publicidad "EXITO" Aruba A.H.
Wilhelminastraat 31, Tel. 2020

SIGUI SPAAR
e pakinan bashi di
e famoso cigarianan



Sea alerta pa e
Grandiosísimo Concurso
di
Mario S. Arends

SUBSCRIPCION :

Mensual Fls. 2.—
Trimestre " 5.—
Anual " 19.—

Imprimi y ilustrá door di:
GENERAL PRINTING CO.
Zuidstraat 15, Tel. 1058

EDITORIAL

Eleccion 1962 pa Staten di Antillas ta tras di lomba y asina a terminá un temporada yen di nerviosismo, agitacion, trabao, organizacionnan etc.

Na Aruba P.P.A. a mantene e cantidad di cinco asiento den Staten, U.N.A. a perde esun di dje y A.V.P. a bai un asiento adiantá.

Na isla Aruba Partido Democrático a gana e unico asiento, mesos cu su Boaire.

Na Conow K.V.P. a perde su unico asiento, D.P. a keda mesos, mientras cu e combinacion N.V.P.-C.O.P. a bai un asiento adiantá.

Considerando e resultadonan di Aruba y di e otro islanan di Antillas, nos por bica cu e coaliccion D.P.—P.P.A. lo siguu goberna Antillas durante e proximo cuater añanan.

Atrobe e responsabilidad di goberná un pais a bin cuí riba e coaliccion aki y na momentonan asina, es decir despues di eleccion, merece pa releba e responsabilidad aki.

E responsabilidad aki ta hopi mas grandi cu normal, como cu Antillas Hulandes actualmente ta pasando un tempo crucial, ta pasando un tempo, den cual e fundamento economico y social di Antillas lo cambia.

E gobierno D.P.—P.P.A. durante e añanan cu e tabata forma gobierno di Antillas, a comensá desarollá un programa gubernamental, cual riba tur tereno, pero especialmente riba tereno economico ta trascendental pa Antillas Hulandes.

Y realizacion di e plannan, cual ta wordo menciona den e programa Tiesjaresplan, a comensá tuma lugar y e prome señalnan ta hopi riparable caba, especialmente na Aruba.

Realizacion completo di e programa aki lo ta posibel cu ayudo di Holanda.

E partidonan cu a gana eleccion talber por tin un tendencia pa celebra e victoria aki exultantemente, loque di un banda ta logico, pero di otro banda mester tene cuenta cu no tin tempo pa celebra victorias demasiao, pasobra ta un tarea enorme ta warda.

Di mes, generalmente tin algun stagnacion den ehecuacion di e diferente plannan y proyectonan pa motibo di e compaña electoral, cual ta exigi hopi tempo di e lideman político y esey ta implica automaticamente menos tempo disponibel pa nan tarea den gobierno.

E tempo, cu a wordo perdí den campaña electoral, mester wordo recuperá. Votadonan di Antillas a duna e grupo D.P.—P.P.A. nan confianza y awor e grupo aki mester demostrá di ta merece e confianza aki y nan mester demostrá esaki dignamente.

E prome y unico obhetivo di e gobierno mester ta: **ADELANTO DEN TUR SENTIDO PA ANTILLAS.**

Adelanto pa henter pueblo di Antillas, sin excepcion y si esaki wordo lográ, anto aki e mester ala e Gobierno lo por bica abietamente: Nos a esun cu nos deber y nos tabata merece e confianza di e votadonan.



NA EUROPA OCCIDENTAL TA SURGIENDO UN PROBLEMA:

FRANCIA

Durante ultimo temporada ta surgiendo na Europa Occidental un problema serio, especialmente den e Organizacion Atlantico.

E problema ta e politica di general De Gaulle, cual nos kier calfici como un politica di "La Grande France".

Esaki semper tabata un caracteristico di Francia, esta cu Francia ta considerá su mes e pais mas importante y grandi di Europa.

Poco dia pasá e prome ministro frances Pompidou a propóné pa e Organizacion Atlantico bira un organizacion completamente independiente for di Estados Unidos. Pompidou ta bira cu ya Estados Unidos no tin e monopolio di armanan atómico mas, pasobra tanto Francia como Inglaterra ta disponé di suficiente material atómico pa por considerá nan mes como un potencia atómico.

Inglaterra y Francia a bira un potencia atómico door di Estados Unidos, pasobra Estados Unidos ta e pais cu a duna tanto Francia como Inglaterra e material científico necesario. Estados Unidos a pone su certificación na nan disposición.

Pero den esaki Estados Unidos a cometé un acto di discriminacion, como cu nan ta duna Inglaterra mas ayuda riba terreno nuclear cu Francia, loke a pone cu De Gaulle a declará cu Francia toch lo continua su programa nuclear sin ningun retraso ni interrupcion.

Pero ya a wordé creá un ambiente di desconfianza y De Gaulle a decidí di continuá su caminda den e ambiente di desconfianza aki.

Estados Unidos tin razon di kier mantené lo mas tanto reserva posibel pa loke ta temo nuclear. Estados Unidos no tin nada contra pa entregá na su aliadonan armament nuclear, pero si Estados Unidos kier pa e dicitó lo ora nan por wordé usá.

Actualmente bai dos pais cu a disponé libremente di armanan atómico,



FIN DI ADOLF EICHMANN

Aki riba "Observador" ta presenta e ultimo dos graficanan di e verdugo nazi Adolf Eichmann, kende a wordé considerá culpable di morto di 6 miljon judío door di su corte especial israelita y kende a wordé condená pa pena di morto, cual pena a wordé ehecutá siman pasá. E corte especial a condená Eichmann den prome instancia, peso e abogado di Eichmann, Dr. Robert Servatius, a apelá contra Corte Supremo. Riba e grafica na man robes Adolf Eichmann ta moneá su lip ora e ta wordé condená pa morto. E mordemento di su lip tabata e unico señal di emocion cu e verdugo nazista a demostra. Riba e grafica na man drecht, Eichmann ta scucha con Corte Supremo ta rechazá e apelacion di su abogado, loke a significa e fin di Eichmann. Te na ultimo ora, prome cu e wordé horá, Eichmann no a mustra ningun tiki di duele pa su actonan durante tempo di nazismo.

Estados Unidos y Union Sovietica. Kier moneá cu e peliger di un gera nuclear ta dependé di solamente e dos paisnan aki. Pero si mas pais por disponé libremente di armanan atómico, automaticamente e peliger di un gera nuclear ta aumentá y hunto cu esaki lo aumentá tambe e tensionnan den mundo, pasobra e temion cu ta reina actualmente den mundo ta debí pa un gran parti na e miedo di un tercera gera mundial.

Awor cu e dificultadnan di Francia na Argelia ta yegando nan fin, Francia a haya tur oportunidat di concentrá riba otro terrenonan di politica internacional. Riba e continente

européu Francia y Alemania Occidental ta e dos paisnan mas grandi, fuerte y importante.

E prome paso di De Gaulle pa reforzá e posicion di Francia den e constelacion politico di mundo occidental, tabata pa acerca canceller Adenauer di Alemania Occidental y estrechá e lazonan di amistad entre e dos paisnan. Y tabata un bon paso. Desde cu Alemania Occidental a crece te bira un di e paisnan mas importante di mundo, Adenauer a cumansá demostrá su descontento cu e papel relativamente inferior cu Alemania ta hungando den e constelacion politico.



Prome ministro Pompidou kier un organizacion Atlantico independiente (baa direccion de Francia)

Ambos pais kier bira mas independiente den tur sentido fur di Estados Unidos y ademas Francia kier reemplazá Estados Unidos como e pais principal den e Organizacion Atlantico. Y especialmente Francia ta dispuesto pa haba un politica di desunio den e Organizacion Atlantico pa logra su finnan.

Pero De Gaulle ta tene poco cuenta cu tin un otro persona ta warda pa Francia bama e puno ey, éta prome ministro Krushchev di Uniao Sovietica, kende sin duda alguna lo usa e desunio entre Estados Unidos y Francia como un argumento fuerte den su campaña di propaganda.

EX-OFFICIAL CUBANO TA REVELA POTENCIA AEREA DI FIDEL CASTRO

Recientemente un oficial di avion cubano, kende a busca libertad na Estados Unidos, a declara cu pa otro intento di invasion na Cuba tin exito, e invasion ey mester worde realiní door di por lo menos 50 mil hember.

Segun e declaracion di e oficial aki Cuba a transfusa su mes te bira e dos potencia militar den hemisferio occidental, despues di Estados Unidos.

Aña pasá Cuba a duna un demostracion di su forza militar, tempo di e malogrado invasion di e Bahía di

Cochinos. Un par di avion di Castro ta haci e invasion bira un fracaso, y tabata avianan mexicano di tempo di Batista. Despues di esey a cuminsa e gran importacion di avionnan ruso.

Awor aki Fidel Castro ta dispone di mas cu 100 avion nasa tipo Mig 15 y avionnan supersonico tipo Mig 19. Tempo di e invasion di aña pasá Castro tabatin siete piloto cubano, pero desde e tempo ey el a manda centenares di Cubano pa Checoslovaquia y otro paisnan comunista, caminda nan a worde prepará pa piloto y awor aki tin na Cuba mas cu 250 aviador calificá. E cifra exacto di e cubanonan cu a worde mandá pa paisnan comunista pa bira piloto, ta excede e number di mil.

Ademas e capto di e aviadoman cubano ta excelente, como cu na Cuba nan tin un posicion privilegá, y nan sintimentonan nacionalista ta worde alimenta diamante door di e propaganda eficiente di Castro.

Tambe nan ta worde entrená diamante door di expertonan ruso di tal forma, cu e pilotonan Cubano ta demostra nan entusiasmo y simpatia pa cu e rasonan abiertamente.

Naturalmente ta existi e posibilidad cu nan no ta di acuerdo cu e punto di bista politico di Castro, pero di otro banda mester tene cuenta cu ta aviador nan ta y nan mayor interes ta bai pa nan trabao. Y Castro a percursa pa e circunstancianan, den

cual nan mester haci nan trabao, ta excelente.

Pero no mester menoscarya ningun momento e poderio militar di Castro pa e fracaso di Bahía di Cochinos no worde nipti.

F.B.I. TA INVESTIGANDO ACCIDENTE AEREO DI CONTINENTAL AIRLINES

E Bureau Federal di Investigacion, mejor conoci como F.B.I., ta realizando un investigacion tocante e accidente aereo, cu a tuma lugar siman pasá na Estados Unidos y den cual 45 persona a perde nan bida.

Tabata un avion tipo Boeing 707-jet di Continental Airlines, cual a explota den aire.

Nan ta kece cu a worde cometi sabotaje y cu e avion a worde explota cu dinamit.

E Bureau Federal di Investigacion ta haciendo un investigacion profundo, pero ta ainda nan no a duna ningun resultado di nan investigacion na publicidat. Segun noticianan no oficial nan ta kece cu e acto di sabotaje a worde cometi door di un persona, cu lo a haya beneficio di un seguro di bida di un di e pasaheronan.

Riba e grafica aki nos ta mira e jet di Continental Airlines, cual a haci su ultimo bishita siman pasá.





GATASTROFE AEREO MAS GRANDI DE HISTORIA

Na e aeropuerto internacional di Paris, Orly, a tuma lugar siman pasá e accidente aereo mas grandi di historia, di cual accidente nos ta presenta aki un reportaje gráfico.

Un avion tipo jet di Air France cu mas cu 130 persona abordo, a estrellá y 130 persona a perde nan bida, mientras cu dos stewardes a scapa milagrosamente.

E stewardes Françoise Authie di 23 aña a declará despues di e accidente cu net ora e aeroplano tabata bai subí, el a ripará cu e sonido di e motornan a cuminda bira menos. Largo e aeroplano a cuminda sacudí y final mente algo tremendo a sona y e stewardes a perde conocimiento.

Ora Françoise Authie a scobri conocimiento e tabata sinta riba su stul di aeroplano, tur cos rond di eje tabata na candela y e ora el a ripará cu e otro stewardes tambe a stapa milagrosamente.

Ora nan a mira cu nan no por a haci nada mas y cu tabata existi e peliger cu e tanikan di gasolina lo a rementá, nan a core bus te cu un grupo di scapate a haya nan.

E aeroplano di Air France tabata

di tipo jet Boeing 707.

Segun algun testigo e avion a lanta mas o menos ses pa, prome cu e desgracia a tuma lugar.

Entre e victimanan tabatin un expedicion di arte for di Atlanta, Estados Unidos.

Riba e grabacionan nos ta mira con un espeto ta inspeccioná e restonan di e avion. Abao na man drechi por mira e banda patras di e aeroplano y na man drechi ariba tres periodista cu a perde nan bida den e accidente. Nan ta Margaret Turner di Atlanta Journal y e pareha Baxter Jones.

•

SUR AFRICA LO TRATA DI AUMENTA SU POBLACION BLANCO

Gobierno di Sur-Africa lo trata di aumenta su poblacion blanco door di atrae anualmente un cantidad di mas o menos 50 mil inmigrante for di Europa.

Di e manera aki Gobierno di Sur-Africa kier trata na aumenta e poblacion blanco di e pais te 10 milyon hende durante e proximo cuarenta añanan. Esaki ta pa elimina e minoridad blanco, cu tin actualmente,

compará cu e cantidad di e poblacion di color scur.

Pa haci e inmigracion atractivo Gobierno sur-africano lo duna na cada persona blanco cu bai Sur-Africa un subsidio, equivalente na 84 dollar pa luna y ademas nan lo haya tambe un prestamo sin interes, cual por wordé pagá bek den un termino di dos aña.

E inmigrantenan lo haya transport liber for di e puerto, cuminda nan a yega Sur-Africa, te e lugar, caminda nan tin idea di bai biba. Si ta trata di un famia, e tata di e famia en cuestion lo haya un subsidio extra di 2 dollar 80 te ora cu e haya un trabao.

Gobierno a skirbi tur cu comercial, pa duna mas tanto trabao na e inmigrantenan aki y di e manera ey cumpli cu un deber pa cu nan pais.

Di e manera aki gobierno sur-africano kier soluciona e "problema" demográfico di e pais. Tin 3 milyon blanco ta goberná 11 milyon hende color scur, 1 milyon y mei di mulato y mitar milyon hende di India.

Aña pasa 16 mil hende blanco a establece nan mes na Sur-Africa, pero casi 15 mil a bandona e pais. Ta logico cu e aumento den e poblacion color scur ta hopi mas grandi.



Noticianan local

COMBERSACION TELEFONICO CU NICOLAS PIÑA

Ayera nos tabatin un combersacion telefonico cu Nicolas Piña, hefe di servicio informativo di Gobierno Insular di Aruba.

Tabata trata di lo siguiente:
Como cu e partido politico P.P.A. a sali victoriosamente cu eleccionnan pa Staten nos a pidi president di P.P.A., Sr. Jacobo Erasmus, permiso pa por usa e fotonan di e candidatonan di P.P.A., cu a wordé elegi como miembro di Staten.

El a duna nos permiso y a bisa nos pa busca e clichénan na Aruba Drukkerij.

Aya a resultá cu Sr. Nicolas Piña a busca e cliché di e fotonan ebo. Nos a bolbe comunica cu president di P.P.A., kende a duna nos permiso un baha mas pa tuma e portretnan cerca Sr. Piña, loque nos a purba di haci, pero sin éxito.

E combersacion entre nos cu Piña a bai telefónicamente y nos lo reproducí e combersacion aki mas o menos.

Noe:

"Nicolas, nos a haya permiso di Coco Erasmus pa usa cliché di P.P.A., cualman abo tin den bo poder. Nos por haya nan?"

Piña:

"Ora Bestuurscollege ta nenga di stroonof "Observador" oficialmente, boso ta ataca mi inmercidamente y pa e motibo ey mi ta nenga di duna boso tur sorto di cooperacion."

Noe:

"Pero Nicolas, aki no ta trata di ningun caso di Gobierno, kier meen di ningun caso di Voorlichtingsdienst. E portretnan ey ta di P.P.A. y e President di P.P.A. a bisa nos busca nan cerca bo y pa consecuencia abo ta obligá di duna nos e portretnan.

Piña:

"Da Bestuurscollege recomendá "Observador", amá ta obligá di duna boso tur cooperacion, pero inofensiblemente mi no ta duna boso ningun clase di cooperacion.

Noe:

"Pero Nicolas, aki no ta trata di algo di Gobierno, pero di algo di P.P.A. y president di P.P.A. a bisa nos pa busca e portretnan cerca bo.

Piña:

"Wel, amá ta nenga di duna boso e portretnan. Si PPA kier duna "Observador", laga un miembro di directiva di P.P.A. bin busca e portretnan cerca mi y entrega boso nan. Si PPA kier duna boso e portretnan, ta nan asunto".

Noe:

"Nicolas, segun nos, bo ta mandando e caso di un banda robber".

Piña:

"Wel, anto amá ta un elemento opstandig den P.P.A., pero boso no ta haya ningun portret cerca mi. Como amigo amá a yuda boso hopi, pero desde swor adilanti ta Janchi ni Donald no ta haya nada cerca mi".

Noe:

"Wel Nicolas, si ta asina..."

Piña:

"Tendé, amá no ta ducuti e asunto aki mas, no ta mucho ocupá".

Noe:

"Anto Nicolas, nos lo continua riba e lase aki".

Vanos herde a yega di bisa nos cu Nicolas Piña tin un posicion sumamente poderoso den P.P.A. y mandando su manera di haci nos tabata kere esey.

Pero nos no tabata sabi cu su posicion den P.P.A. tabata asina poderoso cu e por nenga rotundamente di cumpli cu e oordenan di su president.

Den futuro, ora nos tin algo di haber cu P.P.A. nos lo comunicá directamente cu Nicolas Piña, pasobra ta avor nos sabi ta unda e berdadero poder ta situa.

Nos intencion tabata pa publica un foto di tur e candidatonan, cu a wordé elegi pa Staten na Aruba. Como cu nos tabata falta algun, nos a comunica cu Sr. Jacobo Erasmus, pre-

sident di P.P.A., kende a permiti nos y a duna tur cooperacion, pero aparentemente fin un "force majeure" cu a stroba.

Se falta portret di un of otro candidato di P.P.A., no ta nos culpa.

TONEELGROEP

"30 APRIL 1962"

TA PRESENTA "HET WITTE SCHAAP VAN DE FAMILIE"

Awe noch lo tin den Centro Cultural na Oranjestad estreno di e grupo escénico "Toneelgroep 30 April 1962" cu e comedia na balandis "Het witte schaap van de familie".

E grupo escénico aki ta consisti di maestros y maestras di Maria College y a wordé formá dia 30 di April 1962, manera e nomber ta bisa.

Asina kase cu nos sabi tur e componentenan di e grupo aki ta nobo, cu excepcion di Bummy Every, kende ya a presenta riba escenarionan ebo.

Bao direccion di Sra. Jeanne Lock y Sr. Piet Ebelst, e grupo nobo aki lo estrená e comedia humanistico "Het witte schaap van de familie" na ocasion di e 25 aniversario di e profesioan religioso di Rev. Soeur Alletta.

E funcion di awe noch lo solamente pa invitado, siendo cu mafian (Diahuebs) y Diahieru anochi e comedia lo wordé presenta pa publico.

Manera nos a bisa aki riba ebo "Het witte schaap van de familie" ta un comedia humanistico y tipico ingles.

E comedia ta relata algun episodio den bida di un famia ingles di sociedad, y cual famia ta wordé respeta sumamente.

Susmburgo, tur miembro di e famia y hasta e onia ta ladron, falsificador etc. di nacimiento.

Hester e comedia ta yen di complicacionnan masha strano y e ta terminá cu un desenlace sorpresivo.

"Het witte schaap van de familie" ta un comedia sin pretension, pero hopi comico y capaz di capta atencion di un publico continuamente y di bandida e publico un anochi di lo mas agradabel.



COMENTARIO DE NOS LECTORAN

Sr. Redactor,

Como un fiel lector de e tan leal "Observador" mi ta kere mi tin e derecho di por pidí bo atencion pa aclará, ésta confirmá di desmentí un rumor cu ta circulando tocante nos semanario netamente arubiano desde siman pasá.

Ultimamente a wordé masha hopi comenta cu "Observador" no ta imparcial, pues cu tin cierto tendencia política di mehor dicho ta tumando parti pa un cierto partida, y tin baha hasta ta wordé busi cu ta un partida político ta apoya e semanario aki financieramente.

Na mi opinion esaki a originá como cu candidatonan di tur partida político a wordé publicá riba portada incluyendo un entrevista política, cu excepcion di e líder di P.P.A. Sr. J. E. Irausquin di otro candidato di e partida mencioni.

Segun mi tabatin entendí e intencion tabata pa duna tur partida sin excepcion ocasion pa duna nan opinion of programacion di nan partida, segun a wordé publicá den e mesun semanario ey.

Pero despues a resultá cu ningun candidato di P.P.A. a wordé publicá den e semanario aki.

Ta kico a pasa?

Por ta cu "Observador" ta contra P.P.A.?

Comprendí cu mi no ta puntra esaki cu ningun mal intencion y ni tampoco pa mi stop di apoya "Observador" pero al contrario como mi tin un gran respet pa e unico publicacion netamente crolló riba Aruba, mi no ke busi mi opinion riba ningún rumor, sino mi ta desea pa bo aclará e asunto aki pa mí.

Mi ta pidi esaki como cu sinceramente despues di a lesa vnan edicion, mi ta dada cu "Observador"

por a tuma e actitud ey, y a la vez pa tur hende sabi ta kico ta kien. Mi ta spera bo contesta den e siguiente edicion di "Observador" y no cobardí ni tampoco trece ningún pretexto pa keda sin duna publicacion na mi remitido, como cu e ora ey mi tin di kere cu e rumoran ta bon basá y a la vez obligatoriamente haci uso di otro medio di publicidad pa asina exigí bo un aclaracion pa bo lectoran.

Di antemano masha danki.

Un observador.

(Number ta conoci na Redaccion)

Tur lector di nos semanario "Observador" tin derecho di pidi aclaracion tocante tur loque ta wordé skríbi den dje y gustosamente nos lo duna bo e aclaracion cu bo ta reclama den bo remitido.

P.P.A. no solamente tabata pertenece na e promeman cu a wordé pidi pa un entrevista exclusivo pa nos semanario, pero tabata e di promer cu a wordé acerca pa tuma parti den nos sena político.

Nos a entrega e preguntanan na Sr. J. E. Irausquin, y confiando cu nos lo a haya e contestanan, nos a haci tur sorto di gesto necesario, esta portret y clichéan grandi y chikito di e líder di P.P.A., pero lastimamente nunca nos no a haya e contestanan y ni e preguntanan back.

Nos a haci tur sorto di esfuerso pa haya e contestanan y hasta nos tabatin e postada completamente cla cu un foto di Sr. Irausquin pa si en caso e contestanan bin na ultimo ora, pero tur cos tabata en vano. Nos lo a prefera e entrevista cu Sr. Irausquin, y nos a duna tambe tur sorto di cooperacion cu tabata na nos alcance, pero lastimamente e cooperacion ey no tabata maturo.

Den nos staf nos ta conta cu personanan di diferente opinion político, pero "Observador" mes no ta pro na contra ningún partida, no tin ningún orientacion político, como cu esaki ta contra ética di periodismo y nos semanario mester keda semper objetivo. Unico cos cu "Observador" ta busca, pensá, exigí y penguá ta "Adelanto y bienestar general di nos isla".

Redactor

ACTUACION PERFECTO DI PAREHA DI BALLET DEN CENTRO CULTURAL

Diaztra anochi a duna un presentacion den Centro Cultural e parcha di ballet Nona Kravach y Ilyan Bobovsky.

E presentacion aki tabata di punto di basta artistico perfectamente, pero di punto di basta financiero a resulta un fracaso.

E sala mayor di Centro Cultural no tabata ni mitar yen pa e presentacion aki, loke ta luigi extraño, como cu presentacionnan di ballet semper a atrae un sala completamente yen na Aruba.

Vanos persona a biaja nos cu nan no a busi pa motivo di e prijs hulto, pero e buhanan anterior tambe e prijnjan tabata den e categoria di Daaaba anochi, y toch tur ora Centro Cultural tabata completamente yen.

Nos ta kere mas bien cu cabes di e publico arubiano den e dianan aki no ta pa ballet, pero pa polítiek y como cu e presentacion a tuma lugar apenas dos dia prome cu eleccion ta di comprende cu poco hende a bai Centro Cultural.

Ademas a wordé organizá net e anochi ey un demostracion político, cual a atrae miles di hende.

E parcha di ballet no a wordé compaña door di e pianista Robert Wintex, pero door di Simon Sadov.

Robert Wintex repentinamente a ca malo siman pasá na Mexico y for di New York e parcha a contratá Sadov, kende a studia e programa den e breve termino di un siman.

ORQUESTA SINFONICA DI VENEZUELA TA BINI ARUBA

Un grato noticia a yega nos oídos na siman pasá, esta cu na culminamento di Juli e Orquesta Sinfónica di Venezuela lo duna un concert na Aruba.

E orquesta aki ta haci den e tempo ey un gira di acomodamento cultural pa Trinidad, Antoway y Aruba.

E gira aki ta wordé auspiciá door di e Ministerio Venezolano di Educacion y door di e Grupo "Sociedad de Amigos de la Cultura de Venezuela" y e gira aki lo ta similar na

esun cu e Orquesta di Washington a haci tres aña pasá.

E orquesta aki ta consisti di 104 musico y lo ta baa direccion di un director, cu a wordé especialmente invitá for di Estados Unidos.

Tambe nos a wordé informá cu dia e Orquesta regresá Venezuela, nan lo hiba algun artista local pa haci presentacion na Venezuela, di manera cu e gira aki lo bira un intercambio cultural completo.

Arubaanse Kunstkring a haya un oferta pa organiza e concert aki y e oferta ey lo wordé testá Dialuemes awor den un reunion di directiva di Kunstkring.

Den nos edicion di otro siman nos lo presenta un articulo detallá tocante e gira aki y tocante e Orquesta Sinfonica di Venezuela.

Den e siguiente espacio "Observador" ta presenta algun dato tocante e tres candidato, cu a wordé elegi como miembro di Staten pa di prome biaha.

CURRICULUM VITAE ERNESTO PETRONIA

Aki nos ta laga sigui e puntonan principal den bida di Sr. Ernesto Petronia, kende pa di prome biaha a wordé elegi como miembro di Staten e biaha aki.

Durante ultimo eleccion Sr. Ernesto Petronia a recabá 1281 voto, loke tabata suficiente pa wordé elegi cu votonan di preferencia den e lista di P.P.A.

Su bida personal ta e siguiente:

Pa loke ta educacion escolar Sr. Petronia a haya su L.O. na Conow. Aya el a haya despues un curso pa Leerling-tekenaar na D.O.W. y luego un otro curso pa bouwkundig tekenaar.

Na aña 1929 el a drenta servicio di gobierno na Conow cerca D.O.W. Dia 31 di Mei di aña 1937 el a wordé transferi pa Aruba y dia poeme di Februari di aña 1940 el a torna retiro na D.O.W.

Agun luna despues el a establecé e firma Petrona & Croes, cual durante añanan a para crece te bira e prome firma constructora di Aruba.

Na Januari di aña 1961 el a transformá e firma den un Sociedad Anonima cu Sucursalnan na Conow y na Surinam.

Da 1 di April di aña 1937 Sr. Petronia a contrae matrimonio cu Benicilda Chaceto na Aruba y for di e matrimonio ey a nace suwe yiu, di cual tin un casá cu yiu, un ta studian-do na Hulanda y e otro siestana ta na Aruba.

Sr. Ernesto Petronia tin hopi aña activo den polític. Poeme como miembro di U.N.A. y luego como miembro di P.P.A.

Durante tres eleccion consecutivo el a wordé elegi como miembro di Eilandraad y e baha aki pa di prome biaha como miembro di Staten.

Na aña 1955 el a wordé nombri deputado di Enseñanza y di D.O.W., cual puesto el a keda ocupa te dia prome di Juni di aña 1961. Desde e fecha ey el a bira ministro di Trafico y di Comunicacionen, loke e ta te dia di awe.

Durante un temporada chiquito el a ocupa e puesto di Gezaghebber.

Mientras e tabata haciendo tur e trabanon aki, Hulanda a concedé e honor di nombri e register ingenieur.

Pa loke ta bida social e tabata presidente di e Grupo Político Curazoleño, di e Stichting Sociedad Beneficencia Curaçao y miembro di A.N.V., di Sociedad Bolivariana, di e grupo 26 di Julio (Dia di Conow) y di Toastmasters.

CURRICULUM VITAE MAX CROES

Sr. Maximo Croes a nace na Aruba dia 18 di November di aña 1932 y despues di a obtené su MULO-diploma a drenta servicio di Lago, na unda e ta emplea te dia di awe.

Siendo un joven inteligente el a continuá su estudio den ornan liber y a logra obtené su diploma di Engelse Handelsreedspondente y despues a pasa exitosamente su examen como Traductor Juramento den Ingles. Tambe Sr. Max Croes a studia ley y economia.

Sr. Max Croes tabata ocupa y ta ocupa diferente puestoonan di impor-

tancia den bida di Aruba, entre otro Educational Vice-President di Toastmasters, miembro di directiva di Y.M.C.A., National Director of Amuntanon Economico di Junior Chamber of Commerce, secretario durante hopi añanan di Aruba Society of Mental Health, miembro di directiva di Aruba Voetbal Bond, miembro di R. K. Schoolbestuur pa Aruba y Islanan Aruba y president di Henry Eman Stichting.

Aparte di esaki, e ta miembro y piloto licenciá di Aruba Flying Club.

Na aña 1955 el a torna e decision di participá activamente den politica di Aruba como miembro di e partido político A.V.P.

El a wordé elegi como miembro di Eilandraad y Dialuna el a wordé elegi pa di prome biaha como miembro di Staten.

CURRICULUM VITAE DIEDERICK MATHEW

Sr. Diederick Mathew a nace na St. Maarten (teritorio hulandes) dia 26 di Februari di aña 1928.

Na St. Maarten el a bai U.L.O. y na Aruba el a studia pa onderwijzer te alcanzá su grado.

Dia 16 di Mei di aña 1948 el a cuminal traha como onderwijzer y a duna les na Prins Bernhard school y na Prins Inneschool. Durante 11 aña el a traha den enseñanza y luego a drenta servicio di Gobierno na Griffier di Aruba.

Na aña 1953 el a bira miembro di e seccion di Isla Aruba di P.P.A.

Su esfuertonan den política a wordé coroná na aña 1955, ora el a wordé elegi como miembro di Eilandraad, recaudando personalmente mas cu mil voto. Desde e tempo ey e posicion di Mathew a stabilizá.

Dialuna el a contribuí na e victoria di P.P.A. cu mas cu 1500 voto, loke a la vez tabata suficiente pa wordé elegi pa di prome biaha den su bida como miembro di Staten.

Sr. Diederick Mathew ta pertenecé na e religion metodista. Pa loke ta bida matrimonial Sr. Mathew ta casá y su matrimonio a wordé bendicidá cu un yiu.

Representanten di Aruba den Staten

(Falta Marco Henriquez di P.P.A.)



Juan Enrique Izamquin



Coreelis Albert Eman



Diederik Mathew



Ernesto Otho Petronia



Maximo Croes



Jacobo Erasmus



Dominico Guzman Croes

COALICION D.P.—P.P.A. LO KEDA FORMA GOBIERNO DI ANTILLAS

E resultado mas importante di eleccion 1962 pa Staten, cual a wordo teni Dialuna, ta cu e coalicion D.P.—P.P.A. lo keda forma gobierno di Antillas, aunque cu awor adianta e coalicion lo ta menos fuerte cu durante e ultimo cuater añanan.

E coalicion D.P.—P.P.A. a wordo de-

bilita door cu tanto K.V.P. na Corsow como cu U.N.A. na Aruba a perde nan asiento den Staten y e asiento aki a bai respectivamente pa e combinacion N.V.P.—C.O.P. na Corsow y pa A.V.P. na Aruba.

Mientras cu despues di e eleccionnan na aña 1958 e 22 asientenan di Staten tabata parti 14—5 na favor di e coalicion D.P.—P.P.A., e bishia aki e partimento di asiento ta 12—10, tambe na favor di D.P.—P.P.A. Du-

rante e periodo 1958/1962 tabatin e caso den Staten cu Hugh Lopes, kende tabata pertenece na e coalicion den gobierno a bolter pa oposicion y di e manera ey e balanza a bira durante ultimo parti di e custer añanan 13-9.

Na Aruba tin tres candidato, cu a wordo eligi pa prome bisiha como miembro di Staten. Nan ta Sen. Diederick Mathew (P.P.A.), Ernesto Petronia (P.P.A.) y Maximo Croes (A.V.P.).

Den bida politica di Antillas Hulandes tin dos diferente grupo, cualnan ta completamente contrario na otro.

Un di e gruponan ta wordo formá door di e partidonan D.P. y K.V.P. na Corsow, P.P.A. y U.N.A. na Aruba, D.P. di Bonaire y D.P. di Isla Anta.

E otro grupo, cual por wordo considera como e grupo cu ta forma oposicion, ta consisti di e partidonan N.V.P.—C.O.P., Radical y UnPoCo na Corsow, A.V.P., W.I.P.P. y F.O.A. na Aruba, P.P.B.U na Bonaire y W. I.P.P. na Isla Anta.

Como cu e eleccionnan di Dialuna tabata pa Staten, nos por bisa cu ta trata aki di algo cu ta referi directamente na henter Antillas y no ta trata di algo specifico di un di e islanan, nos lo considera e resultado den di eleccion di henter Antillas conjuntamente y no di cada isla apart.

Riba henter Antillas a vota Dialuna 69.147 persona.

Di e personanan aki 35.917 a vota pa e grupo di partido, cu a forma gobierno durante ultimo custer añanan, mientras cu e grupo di partido cu tabata forma oposicion durante ultimo custer añanan a haya 33.230 voto.

Kier meen cu mayoria di e votadonan di Antillas a deposita nan confianza riba e coalicion D.P.—P.P.A. y conforme na desico di mayoria di e votadonan antillano nan lo bolbe forma gobierno di Antillas Hulandes.

E hecho cu e gobierno DP—PPA a wordo reeligi, por wordo considera como un caso unico den Antillas.

Asina leuw cu nos por recorda zingun gobierno te ainda a keda na mando durante mas cu ocho aña consecutivo.

MONARCH

MONARCH



CALIDAD

FUERTE

GARANTIA

PUNTRA SU PRIJS!

Na: N.V. Winkel's Handel Maatschappij
Telefoon 1431 — Telefoon 5059

E candidatonan cu a wordo eligi na Aruba den prome instancia ta e siguiente:nan:

- Juan Inasquin (P.P.A.)
- Masco Hetoquez (P.P.A.)
- Jacobo Erasmus (P.P.A.)
- Diederick Mathew (P.P.A.)
- Ernesto Petronia (P.P.A.)
- Cornelis Eman (A.V.P.)
- Dominico Guzman Croes (A.V.P.)
- Maximo Croes (A.V.P.)

PERSONANAN CU MAS VOTO

Den e eleccionnan pa Staten, cu a tuma lugar Dialuna, e candidatonan cu a haya mas voto siba Aruba ta e siguiente:nan:

1. Juan E. Inasquin (P.P.A.) 3069
2. Cornelis A. Eman (A.V.P.) 3189
3. Diederick Mathew (P.P.A.) 1587
4. Ernesto O. Petronia (P.P.A.) 1281
5. Dominico G. Croes (A.V.P.) 1280

CAMPEONATO DI FUTBOL HOOFDKLASSE TA CUMINZA 15 JUNI

Dasabra awor na ocho dia, éta dia 15 di Juni, e campeonato di futbol Hoofdklasse lo wordé inaugura den Wilhelmina Stadion.

E campeon y subcampeon di aña pasá, Dakota y Estrella, lo enfrente otro den e prome partido.

Ainda no ta conoci exactamente con e programa inaugural lo ta, pero segun president di Aruba Voetbal Bond a informá nos, directiva di A. V.B. ta tratando di haci e ceremonia inaugural lo mas atractivo posibel.

Desde Diatamba 15 di Juni e atencion deportivo di Aruba lo ta concentrá atrobe riba actuaciónnan den bishá pa siman di e ocho teamnan, cu lo participá den e campeonato di Hoofdklasse.

Hoofdklasse di Aruba durante ultimo añanan tabata consistí di seis club, pero desde e aña aki e cantidad ey a wordé aumenta cu dos te bira ocho club.

E teamnan participante ta Dakota, Estrella, R.C.A., Aruba Jrs., San Nicolas Jr., Riverplate, Jong Aruba y Tropical.

E medida di directiva di Aruba Voetbal Bond pa aumentá e cantidad di club, cu ta participá den e campeonato Hoofdklasse, ta asina importante cu nos mester dedica algun espacio na dje.

Awor cu ocho club ta hunga den Hoofdklasse, indubablemente e campeonato lo haya mas colorido, lo tin mas tension, y talvez e campeonato hasta bira mas interesante.

Pero e medida aki ta di acuerdo cu e prome objetivo di un division maximo, manera Hoofdklasse ta den nos futbol?

E prome objetivo di un division maximo den futbol, no solamente di Aruba, pero di cualkier país den mundo, ta pa reuni e mehor clubnan di e país ey den un division, di manera cu por brinda na e fanaticada e mehor futbol posibel y tambe subí e calidad di futbol.

Si un club fuerte ta hunga contra otro club di e mes calidad, e fanaticada generalmente ta haya bon fut-

bol pa mira. Pero si un club fuerte ta hunga contra un club, cual ta inferior den calidad, generalmente e fanaticada no ta haya bon futbol pa mira.

Durante ultimo añanan e calidad di futbol den Hoofdklasse ta descendiendo cu un ritmo, cu tin bishá ta spanta hende. Pesey prome tarea di directiva di A.V.B. meter ta pa huz e nivel. Actualmente directiva di A.V.B. ta haciendo e prome paso pa laga esaki door di trata pa contacta un entrenador adecuado pa Aruba. Pero un entrenador so no ta suficiente.

Awor Hoofdklasse a wordé aumentá cu dos club, cualnan ta inferior den calidad na evanan actualmente den Hoofdklasse. Un di nan a termina aña pasá na ultimo lugar di Hoofdklasse, mientras cu e otro no por a conquistá e título campeon di A-klasse. Esaki ta prueba nan evidente cu e dos clubnan en cuestion ta di un calidad futbolístico inferior na e otro seis clubnan di Hoofdklasse.

Nos ta di opinion cu e expansion aki lo baha calidad di Hoofdklasse, aunque di otro banda nos por comprendé e motibonan, cu a pone A.V.B. tuma tal medida.



GRANDES LIGAS

Figures di Detroit ta avanzando actualmente enormemente den Liga Americana y apenas un weg ta trece nan for di prome lugar, caminda Indians di Cleveland y Yankees di New York ta empatá.

Na cuater lugar ta sigui Mellinas di Minnesota, tambe un weg tras di e lideman.

Den sotano nos ta haya Medias Rojas di Boston y Seradores di Washington.

Den Liga Nacional Gigantes di San Francisco, cu ayuda di varios jonon di Willie Mays, a reconquistá e prome puesto durante weekend.

Den curso di siman pasá Los Angeles a pasa Gigantes, pero den weekend San Francisco a sweep Mets di New York mientras cu Los Angeles Dodgers no tabata por cu Phillies di Philadelphia y asina Gigantes ta na cabes atrobe cu un ventaja di 2 weg y mei.

Den sotano di Liga Nacional nos ta haya Mets di New York y Chicago Cubs.

Den jononnan Willie Mays ta na cabes cu 18, mientras cu Orlando Cepeda, Jim Gentile y Norman Cash ta siguiendo cu hopi regularidad.

Di e latinmericanonan a destaca durante ultimo siman especialmente Roman Mejias, kende a subi su cantidad di jonon te na 13 y di e manera ey despues di Orlando Cepeda e ta e segundo latino cu ta mantene su mes den e lideman jononero.

BULGARIA TA HUNGA NA CORROW

Den e diaro venezolano "El Universal" nos a lesa cu e onera nacional di Bulgaria, cual actualmente ta participando den e campeonato mundial na Chile, lo sali for di Chile Diamies awor. Nan avion lo haci un escala na Corrow, caminda nan ta hunga un partido.

For di Corrow nan ta sali pa Amsterdam, caminda nan lo hunga Diamies awor.

TRES HUNGADOR DI BASKETBALL A HAYA SCHORSING DI UN AÑA

Ayera nos a wordé informá inoficialmente, pero di fuente fidedigno, cu e tres hungadornan di Aruba Jrs. cu tabata envolvi den e bringamento cu un refete despues di e partido entre Aruba Jrs. y Don Bosco, a haya un schorsing di un aña.

Ta trata aki di e hungadornan G. Brion, W. Brion y V. Gonzalez.

E mes fuente a informa nos tambe cu e campeonato di basketball di e aña aki lo no wordé continua.

Esaki seguramente ta un lastima como cu pa A.S.U.-Olympade tabata wordé trata pa trece varios team di afó, cualnan lo a hunga un torneo aki na Aruba.



CORSOW TA HUNGA BASEBALL NA ARUBA DEN WEEK-END

Durante proximo weekend e team subcampeon di Corsow, Amstel, lo hunga tres partido di baseball na Aruba. E equipo visitante lo enfrenta e campeon arubano di aña pasá, Zenith, e subcampeon Heinekens y e cigarrilleronan di Marlboro.

Amstel tabata subcampeon di Corsow aña pasá, pero den e campeonato di e aña aki nan ta hungando un papel di hope mas importancia. Actualmente nan ta ocupá e prome lugar y cu hopi regularidad nan ta na camanda pa conquista e título campeoná.

Zenith ultimamente ta hungando un wegá hopi irregular. Nan ta altema un partido excelente cu un partido pesimo, pero semper e ta keña un equipo yen di calidad. Aunor nan a derrotá e campeon di Corsow, Santa Rosa, algun siman pasá den un partido sumamente interesante.

Heinekens ta hungando un baseball formidable den e campeonato aki y ta encabezá e lista sin ningun derrota.

Marlboro ta number dos den e temporada aki y te ainda nan ta e mál mas pelgrosu di Heinekens.

E partidónan di e weekend aki lo tumá lugar den e siguiente orden:

Diasabra anochi 7'or y mei:
Zenith vs. Amstel

Diadomingo stardi 2'or:
Heinekens vs. Amstel.

Diadomingo mainta 10'or:
Marlboro vs. Amstel.

PROGRAMA CAMPEONATO MUNDIAL PA DIADOMINGO

Diadomingo awor ta wordé hungá na Chile e cuartos di final, válido pa e campeonato mundial di futbol.

Na Arica lo hunga Rusia contra Chile.

Na Santiago ta hunga Alemania contra Yugoslavia.

MEHOR ANOTADORNAN DEN CAMPEONATO MUNDIAL

Te cu e partidónan, cu a wordé hungá den weekend na Chile pa e campeonato mundial, nos tin e siguiente lista di e mehor goleadonan di e toconá.

E prome ta Albert Flonan di Hungría cu cuater gol.

Lugo ta bin cu tres gol Tichy di Hungría y Posedelnik di Rusia.

Y e siguiente hungadoman a anotá dos bala: Leonel Sanchez y Ramirez di Chile, Flowers di Inglaterra y Ivanov di Rusia.

ULTIMA HORA

**BRASIL, CHECOSLOVAQUIA,
CHILE, ALEMANIA, RUSIA Y
HUNGRIA A CLASIFICA
NA CHILE**

Na ultima hora nos a haya resultado di e partidónan, cu a wordé hungá awe na Chile, válido pa e campeonato mundial di futbol.

Brasil a derrotá Spanja y e resultado aki tabatin como consecuencia cu Brasil y Checoslovaquia a clasificá.

E partido aki a tumá lugar na Villa del Mar.

Rusia a derrotá Uruguay, loque a pone cu Rusia tambe a clasificá.

Na Rancagua Hungría a empatá cu Argentina y Hungría a bai pa e siguiente vueltá.

Na Santiago Alemania a derrotá Chile y ambos equipo a clasificá.

INTERESADONAN PA ABONO

PA AÑA 1962

FAVOR YAMA TELEFOON

2020

E REGALO IDEAL
pa bo regalo bo esposá ta un
REFRIGERADOR

Gibson

E REFRIGERADOR CU
TA BRINDABO
LUHO Y CONVENIENCIA
NA UN PRIJS
ECONOMICO
Y CU NO MESTER
WORDU DESCONGELA
NUNCA.

TEXAS Furniture Store

Emmestraat 6A
Telefoon 1082 - 1083

Na Villa del Mar ta enfrenta otro Brasil y Inglaterra.

Na Rancagua lo hunga Hungría contra Checoslovaquia.

E partidónan ta cuminsa mas o menos 2'or y mei ora di Aruba y nan ta wordé transmisió door di Radio Hoyer na Corsow y door di Radio Continente na Caracas. Ambos emisorá por wordé scucha perfectamente na Aruba.

Pa pasa ratonan ameno den ambiente agradabel, acudi na

PIET'S SODA FOUNTAIN



CHILE TA PROME PAIS CU TA CALIFICA DEN SU GRUPO

Den e campeonato mundial di futbol Chile a resulta e prome pais, cu a clasifica den su grupo. Derrotando Suiza 3 pa 1 y Italia 2 pa 0, Chile tabata e prome pais cu a sigera su puesto den octavo di final.

Italia, kende tabata worde considerá como un di e favoritonan, practicamente a tira su chens aló, ora cu nan a hunga sinu bruto den e partido contra Chile, cu dos di nan hungadoman mester a worde expulsá. Esey tabatin como consecuencia cu Chile cu team completo a hunga contra nueve hungador di Italia y a gana facilmente.

E campeonato ta bayendo yen di sorpresa. Kende lo a kece por ejemplo cu Colombia lo a empatá 4-4 cu Rusia, despues cu Colombia tabata perdi 4 pa 1? Cu e hazafa aki Colombia a haci number den futbol internacional.

Tur hende a considera Hungria como un outsider, pero awor Hungria a bin un di e favoritonan, despues di a derrotá Inglaterra 2-1 y Bulgaria 6-1.

E wegá di Brasil no a convence e criticonan te awor y ainda no ta sigor cu Brasil lo clasifica.

Interes di banda di publico ta mínimo y nos ta supone cu e campeonato mundial aki lo ta un completo fracaso financiero.

Resultado y posiblemente te awe den e diferente gruponan ta e siguiente:

Grupo Santiago

Chile — Suiza	3-1
Alemania — Italia	0-0

Chile — Italia	2-0
Alemania — Suiza	2-1

País	w.h.	punto
1 Chile	2	4
2 Alemania	2	3
3 Italia	2	1
4 Suiza	2	0

Chile a clasifica caba como cu ni Italia ni Suiza por alcanza mas su cantidad di punto, mientras cu Suiza no por clasifica di ningun forma.

Grupo Viña Del Mar

Brasil — Mexico	2-0
Checoslovaquia — Spaña	1-0
Brasil — Checoslovaquia	0-0
Spaña — Mexico	1-0

País	w.h.	punto
1 Brasil	2	3
2 Checoslovaquia	2	3
3 Spaña	2	2
4 Mexico	2	0

Mexico no por clasifica mas y ningun di e otro paizan a clasifica ainda.

Grupo Aries

Uruguay — Colombia	2-1
Rusia — Yugoslavia	2-0
Yugoslavia — Uruguay	3-1
Colombia — Rusia	4-4

País	w.h.	punto
1 Rusia	2	3
2 Yugoslavia	2	2
3 Uruguay	2	2
4 Colombia	2	1

Aki tampoco ningun pais a logra clasifica ainda.

Grupo Ranesgua

Argentina — Bulgaria	1-0
Hungria — Inglaterra	2-1
Inglaterra — Argentina	3-1
Hungria — Bulgaria	6-1

País	w.h.	punto
1 Hungria	2	4
2 Inglaterra	2	2
3 Argentina	2	2
4 Bulgaria	2	0

CHISMES DI CAMPEONATO MUNDIAL

- E hungador cu a anota mas gol durante un campeonato mundial ta Just Fontaine di Francia, kende a score 13 buha durante e campeonato mundial 1958 na Suecia. Eiskit ta un record cu lo resulta hopi dificil pa kiber.

* * *

- Den e cuater partidonan, cu a worde hunga te awor aki na Viña del Mar, a worde anotá solamente cuater gol na total. Brasil a anotá dos buha, Checoslovaquia un buha y Spaña tambe un buha.

* * *

- E keeper cu mas mala suerte den e campeonato aki, sin duda ta Carvajal di Mexico. Den e wegá contra Spaña, Carvajal a detene un cantidad enorme di ataque durante 89 minuit. Di tur forma Puskas, Cento, Del Sol, Suarez y Peiro tabata shoot continuamente nba gol, pero Carvajal a haci milagros. E mala suerte di Carvajal ta cu net den delaster minuit Peiro a anota e unico gol di e partido pa Spaña, resultandole Spaña ganador. UN NOTA ADICIONAL: Carvajal ta e unico hungador den historia di futbol, cu a participa den cuater campeonato mundial consecutivo, esta na 1950, 1954, 1958 y 1962.

* * *

- Tabata falta poco pa e partido entre Chile y Italia lora un free for all completo. Varios buha tur e hungadoman a caminza brega cu otro y tur e bahanan ey polis mester a kita e hungadoman. Italia tabata esun culpable di e desordenan aki door cu nan a hunga demasiado bruto. Dos hungador italiano a worde expulsá door di refree y Chile a gana felizmente 2 pa 0.

**AVION ESPECIAL DI
CARIBE CLUB**

En conexion cu e boda di plata di Sport Club "Koeik" na Corsow, Caribe a reservá un aeroplano especial pa e mihabronan, cu kier bai Corsow pa e ocasion aki.

E aeroplano lo sali for di Aruba D'Almeida awor, dia 8 di Juni, pa 5:30 p.m. di atardi y lo bin Aruba bek Diahue awor dia 11 di Juni, pa 6:00 p.m. di atardi.

Pesonanan cu kier haci uso di e oportunidad aki, mester tuma contacto cu Sr. Taco Kapri na telefon 1553 of 1552, no mas laat cu Durazon, es decir awe.

CUMPLEAÑOS

Diahue awe Sr. Walter Arends lo cumpli su cumpleaños.

"Observador" ta extendé un sincera felicitacion na Walter, deseando e tur clase di felicidad y prosperidad pa e añanan venidero.

**ANIVERSARIO DI
SR. JANNY G. EMAN**

Dumars awor 12 di Juni, Sr. Janny Eman lo cumpli un aña mas di feliz existencia.

Di antemano "Observador" ta extendé un cordial pabien na Shon Janny, acompaña cu e mehor deseanan pa futuro.

**CLUB SURINAM TA HAYA
BISHITA DI CORSOW**

Durante dianan di Pentecosten, ésta e weekend vendé, un delegacion di e club surinamese J.P.F. na Corsow lo haci un bishita na Club Suriname di Aruba.

Tambe lo bini e coro "Orpheus", cual ta consisti di 50 miembro y cual lo duna un presentacion Diahue anochi durante un fiesta balable, amenizá door di e conjunto "Ambasadores".

Tambe lo tin un encuentro di bodge entre e Surinameseonan di Aruba y di Corsow.



**WHITFIELD A REGRESA YEN
DI HONORES FOR
DI MIAMI**

Awe a yega for di Miami e conocondo comerciante Clinton Whitfield, kende a cabi di su estadu to termino como president di e Camara di Comercio de las Américas.

Algun instante despues di su yegada, nos tabata un combenacion cune y durante e combenacion aki nos a ripará cu cual cantidad di honores Clinton Whitfield a regresá for di Miami.

Den prome instancia el a bisa nos cu naturalmente e ta contento cu su persona a wordé concedí tanto ariana, pero su alegría tabata mas grandi como cu el a haya tur e honores aki trahando na nomber di Aruba, di manera cu e hononan aki ta toca Aruba tambe.

E "carrera internacional" di Clinton Whitfield a cuminsa, dia cu el a wordé elegi como miembro di directiva di Camara di Comercio di Américas. Aña pasá, durante e conferencia anual di e entidad aki cu a wordé tenu na Aruba, Whitfield a wordé elegi como president di Camara di Comercio di Américas y den e calidad ey e tabata presente na e conferencia di canceleres di e paisnan americano na Punta del Este aña pasá.

Conforme e reglamentonan, Whit-

field despues di un aña mester a bala como president, loque a tuma lugar durante e conferencia anual di ariana pasá na Miami. Pero su labor como president tabata aña bon cu e Camara a decidí pa nombra Whitfield presidente honorario pa henter su vida, un honor cu hasaas don su hutora, Camara di Comercio di Américas a otorgá.

Tambe fuera di e Camara e méritonan di Whitfield a wordé remarká y e ciudad Miami a entregá na Whitfield e "Key of the city". Whitfield a haya un yabi simbolico di Miami, loque kier meen cu pa resto di su vida e lo ta un ciudadano honorario di Miami, un honor cu ta wordé concedí na pesonanan cu a distingui nan mes grandemente.

Nos ta spera cu Clinton Whitfield continú cu e gran labor aki, y semper lo propagá e nomber di Aruba ta e mei un manera digno.

**DIRECTIVA NOBO PA
A.S.V. RIVERPLATE**

Den reunion di directiva di Riverplate, tení dia 29 di Mei p.p., e miembresan electo a reparti e puestoonan di Directiva pa aña 1962/1963 di e siguiente manera:

- H. Sanson — president
- F. Marquez — vice-president
- G. F. Tromp — secretario
- J. Penz — segundo secretario
- L. D. Thomas — tesorero
- A. Chinno — segundo tesorero y comisionariano
- J. Andrews, W. Andrews y D. Jackson.

**CONSEHO PA CANTINA DI
TEENAGER DI Y.M.C.A. ELIJI**

E dianan aki a wordé elegi e concho definitivo, cu lo ta encargá cu e cantina di Teenager di Y.M.C.A.

E concho ta consisti di e siguiente joverman: Sinclair Barry, Fatty Godet, Cuciela Gomez, Donald Hassel, Merida Vanterpool y Rafael Vanterpool.

Nos ta spera cu e grupo recién elegi aki lo sibi di mancha e cantina di Teenagers den e mei bon forma, cu e grupo anterior.

RADIO KELKBOOM TA LUCI CU TRANSMISION DI "RESULTADO DI ELECCION"

Dialuna anochi nos a sinte scucha resultadonan di eleccion via e diferente emisoranan local.

Ora di duna e resultadonan tres emisor a coopera, esta Radio Antiliana, Radio Kelkboom y Radio Victoria, mientras cu cada un di e emisoranan aki tabatin un comentarista apart.

Algun rato despues cu e prome resultado a drenta Radio Antiliana a haya un fayto tecnico, di manera cu nan no por a continú cu e transmision.

E emisor a cu berdaderamente a luei den su comentaristanan tabata Radio Kelkboom, cu Ronny Marugg na microfoon. Francamente tabata un placer pa traha e comentario.

RADIO ANTILIANA

775 kcs. — 388 m.
Lago Heights San Nicolas
6.50 a.m.
"Horoscopo Musical"

FILMLIGA TA PRESENTA OTRO PELICULA DI INGMAR BERGMANN

Manera nos a anuncia den "Observador" di siman pasá, Filmiga lo presentá Diadomingo y Dialuna awor e pelicula "Ansiktet" (E Cara) di e famoso regista suco Ingmar Bergmann.

Tambe Filmiga lo ofrecé na su miembronan den e mes programa e celebracion di e Boda di Plata di e parha real hollandes y e wegá di futbol entre Real Madrid y Benfica.

E funcion di Diadomingo anochi ta cuminsa 8 'or y mei di anochi y eun di Dialuna ta cuminsa 8 'or en punto di anochi.

E pelicula "Ansiktet" di Ingmar Bergmann a haya e premio especial di Jurado durante e festival cinematografico di Venecia na aña 1959.

Den e pelicula aki Bergmann a scibe un hypostitudo di siglo pasá como e figura principal.



BENNY GOODMAN TA CONVERTI KRUTCHEV

E "clarinetista-mágico" Benny Goodman, kende nos ta mira riba e grafico aki riba, a logra converti e prome ministru di Union Sovietica, Nikita Krutchev.

Semper Krutchev a bisa cu jazz ta un di e señalnan di degeneracion den mundo capitalista.

Pero ora Goodman a yega Moscú unan pasá y a duna un concert di jazz, Krutchev a bai scucha y a aplaudi Benny Goodman cu hopi entusiasmo.

Di otro banda mester bisa tambe cu Goodman ta un clarinetista excepcional y cu probablemente no tabatin un igual den historia di musica, tanto riba tereno di musica clasica como riba tereno di jazz.

Mes facil y bon cu Benny Goodman ta interpreta un numero di jazz, mes bon y facil e ta interpreta un obra manera e concert pa clarinet y orquesta di Mozart.

No cabe duda es e gira di Goodman den Union Sovietica lo ta un exito completo y un bon propaganda pa Estados Unidos.

RADIO ANTILIANA

775 kcs. — 388 m.
Lago Heights San Nicolas
4.05 p.m.
"Deportimundo"

MEDALLA DI ORO BOB HOPE

President Kennedy di Estados Unidos a wordé astoriañ unánimamente door di e Camera Mercano di Representantes, pa otorgá na e conocido actor y comedianté Bob Hope, kende a taacé na Inglaterra, un medalla di oro na nomber di pueblo mercano.

E Camara di Representantes a manda un ley pa president Kennedy firma E ley ey ta autoná president Kennedy di concederá Bob Hope cu un medalla di oro pa motibo di su servicionan na pueblo americano y pa motibo di su meritorianan pa paz mundial.

Bob Hope ta un di e actornan cinematografico mas gustá tanto na Estados Unidos como pató di Estados Unidos.

CHARLES LAUGHTON DEN HOSPITAL

E famoso actor cinematografico Charles Laughton a wordé interná den Memorial Hospital di New York. E hospital aki ta destiná principalmente pa heridanan, cu ta sufi di cancer.

E representante di Laughton a bisa cu e actor ta sufi di un afeccion den su lomba, cual ta molestá cabe durante 20 aña.

Actualmente e famoso actor tin 62 aña y e pelicula cu a dun'é mas fama ta "Mottin a Bordo".

RADIO ANTILIANA

775 kcs. — 388 m.
Lago Heights San Nicolas
5.20 p.m.
"Romance Musical"

DOS TELEVISOR NOBO NA CARACAS

Segun un informacion oficial, Gobierno Venezolano a concedé permiso na un grupo di industrial pa habi dos stacion nobo di television.

Un di e stacionnan lo haci su transmisionan riba canal 11 y lo ta blanco y preto, mientras cu e otro lo transmisi na color riba canal 8.

Nan ta spera cu ambas stacion lo por cuminsa opera pa fin di e aña aki.

DI TUR UN POCO

PA VICIO SEMPER TIN PLACA

Na aña 1961 e Colombianoan a inverti algo mas cu 651 millon di peso na cerber; na cigara 381 millon peso y na hece nacional y estranhero, respectivamente, 21.975.480 y 78.000.000 peso.

Eski loer meen cu na vicio solamente, e Colombianoan tabatin un galeto di sada menos cu riba mil millon di peso.

UN CHISTE

IMPULSA DOOR DI DIABLO

Na Texas un muchu muher di 15 aña a haci mas cu cincuenta yamada telefónica, tur na muhestan casá, y e tabata busa nan cu "nan esposo a cuba di man victima di un accidente....."

Un di e sectoranan cu tabata spera yiu, a duna luz na e mesun instante y tabata grave. Otronan meier a yama dokter pa motibo di shock.

E polisnan meier a bai busca e muchu muher inmediatamente, kende ingenuamente, a declara di a haci "impulsá door di diablo".

Naturalmente e dimita alo a wende liba caza un priolatra pa check "na unda e diablo a keda".

AKI POCO AÑA MAS AUTO CU HENDE

Na Merca tin suficiente auto pa transportá den un viaha un di su 185.000.000 habitante.

E autonan matriculá ta 63.500.000, loke ta nifidá cu un promedio di mas of menos tres pasahero por corre comodamente den cada un.

Pero lo ta un problema si tur sali mes ora riba caya, pasobra eskí lo produci un bruhamento grandi den trafico.

E sociedad automovilística a pronosticá cu pa aña 1976 Merca lo tin un auto pa cada dos habitante.

Pa aña 1976 ta wende calculá cu lo tin 114 millon auto, recorriendo 1.200.000 millon kilometer y consumiendo 97 mil millon galon di gasolina.

Pedrito



e tipo



un poco



maldito



CONTINUAMENTE FALTA DI QUORUM NA VENEZUELA

Ultimamente nos ta lesando cu hopi frecuencia den dianonan Venezolano, cu Congreso of e Camara Baja di Venezuela no por reuni pa falta di quorum.

Asina ta sucede cu varios biaha e agenda di un reunion ta menciona pantonan di suma importancia pa Venezuela, pero e proyectonan di ley en cuestion no por worde tratá como cu e cantidad di representante, cu segun ley ta necesario pa e reunion tuma lugar, no ta presente.

UN MUHER BALENTE

Señora Ruby Sanders, kende ta propietaria di un tienda chikito na Atlanta, Merca, meier a enfrentá un bandido siman pasá.

E bandido a dirigitá su tienda, cu e pretexto di compra chicle, y a pone e placa riba toombank. Despues el a saca su revolver y a exigí e señora pa embegá tur e placa di den e caja.

Sen. Sanders, kende tin 60 aña y ta pia 114 lbs., a contestá e bandido cu tres golpi fuerte riba su cara, y etali bar zoná, a sali corra for di e tienda, y a laga e restu di placa di chicle riba toombank.

GRUPO DI DAMAS TA SUPERA SEROE HALTO

Un grupo di damas ingles, bso di reccion di e condesa Dorothy Gawn, di 56 aña, siman pasá a superá un sero di 22 mil pia halto na Asia. E sena aki nunca a worde superá door di hende homber y ta pertenecé na e cordillera di Himalaya.

Nunca un expedicion cu ta consisti solamente di muhernan a conquistá un sero asina halto ainda.

E expedicion tabata constá di siete muher, di cual eun mas jong tabatin 24 aña y eun mas bieuw tabatin 56 aña.

Den e grupo tabatin varios profesora.

Nos ta envia un cordial felicitacion na e sexo femenino y ta spera cu e cabesnan no staha.

E mehor ofertanan di siman

Anuncianan clasificá

Pa baby ta bende un bunita set di kamber, consistiendo di dos cama, un kathi y un maceto di pasta. Prijs razonable y por paga poco poco. Pa mas informacion yama telefon 2020.

Ta bende un bunita piano aleman sin uso. Prijs Fla. 1.500.00. Pa compra cash tin descuento. Pa mas informacion yama 2020.

SECRETARIA: Ta busca un teltista pa trabao di secretaria na un oficina na Oranjestad. E mester tin diploma di type y sa correspondencia na Ingles. Interesadonan por manda carta skirbi na man pa Publicidad "Exibo" Aruba A. H., box di letter X.

URGENTEMENTE: ta buscando un cas, cu dos of tres kamber, preferible na Oranjestad. Pa ofertanan yama 2020 mas pronto posible.

Ta busca mas mucha pa bende "Ob servador" na Oranjestad y San Nicolas cu "BON GANASHI". E muchanan di school tambe por acudi, como cu ta tur Diazama merdia e semanario menciona ta worde publicá. Interesadonan por pasa na oficina den Wilhelmstraat 31, y dana nan nomber cu tempo.

Ta huur un edificio masha adecuado pa deposito, situá na Dakota. Pa mas detaye y prijs, yama telefon 1048 of 1786.

Ta huur "UN CAS GRANDI" situá den centro di Oranjestad. E mansion aki ta contné ademas di siete kamber espacioso cu nan baño, un curi bogi grandi. Masha adecuado pa hotel of pension. Yama telefon 1359 pa mas informacion.

Ta bende un typewriter "OLIVETTI" practicamente nobo; cu solamente tres luna di uso. Prijs Fla. 150.—. Interesadonan por yama telefon 2020.

ATENCION: Ora cu nos lectoman ta desea di bende, busca algo pa compra of huur, busca por ejemplo un loopjongen, sirvicutá etc. anto acudi na nos oficina den Wilhelmstraat 31, of yama telefon 2020 durante oranan di oficina, y 2121 despues di ciro'r. Custosamente nos lo yuda bo, poniendo bo aviso den e pagina aki.

Luisín



y



su



festin



Ta bende un kathi grandi di buki, segunda mano, moderno y tur di glas. Prijs Fla. 250.00. Interesadonan por fabor pasa na Wilhelmstraat 31 pa mas informacion.

Ta busca un kathi di responsabilidad, cu sa cushiná bon. Pa keda drumi. Bon salario. Ta exigi bon referensia y limpieza. Pa informacion completo yama telefon 2020.

Ta ofrecé pa cas di famu, un chauffeur y jardineru cu hopi experiencia. Salario mismo Fla. 300.00. Pa ofertanan yama 2020.

Ta interesá pa bende un set di sala moderno, consistiendo di un mesa, sofa y cuater stul grandi. Prijs sumamente conveniente. Pa informacion completo acudi na Eagle 29 of yama telefon 1908.

Ta busca pa compra un frigidaire di kerosine, na prijs razonable. Interesadonan den bende por yama telefon 2020.

Na ocasion di cambian di atencion di oficina, ta ofrecé un typewriter grandi, practicamente nobo, den perfecto condicon, na un prijs razonable. Pa compra cash tin un descuento especial. Pa mas informacion yama telefon 2020.

Ta bende un toonbank cu solamente tres luna di uso, pues practicamente nobo. Prijs razonable. Interesadonan por pasa mira e toonbank na Wilhelmstraat 31, of yama telefon 2020.

Ta bende un JOHNSON Seahorse outboard motor di 25 H.P. cu un botu pa Fla. 900.00. Durante oranan di oficina por yama telefon 1418 of 1816 y despues di 6 'or na 2090.

**CONTAL AGENCIES
IMPORT & EXPORT LTD.**

tin un oferta especial pa e consumidornan
di e famoso lechinan marca



Tra e etiketanan (label) tin valor.

UN GLAS PROPAGANDA

(21 etiketa grandi of 45 chikito)

UN BUNTA BALLPOINT

(5 etiketa grandi of 10 chikito)

CHOCOLATI NA CAJA

(20 etiketa grandi of 40 chikito)

COPI HABRI BLEKI

(20 etiketa grandi of 40 chikito)

BORKI DI BABY

(10 etiketa grandi of 20 chikito)

BORKI COMBO

(10 etiketa grandi of 20 chikito)

PA MAS INFORMACION YAMA

TELEFOON 1418 - 1816

Huma
semper
lo mehor
sea
cu Filter
of
sin Filter



Agente
**MANSUR
TRADING
CO.**

Tel.
1050
1051



GRACE LINE... e linea di bapor cu ta tree turista
pa nos isla semanalmente.

Sea sigur di
tur bo cargu-
nan, usando e
servicio
eficiente di e
vapornan di
GRACE LINE



Biaha feliz,
biaha conten-
to, biahando
cu e bapornan
mas moderno:
GRACE LINE

Agentes:

EMAN TRADING CO.

Oranjestad
Tel. 1553-1554

Sanicolas
Tel. 5054-5056



ODUBER & KAN Inc.



PHOTO

OPTICS

Bo vista ta e tesoro mas grandi cu bo ta posee.
Protegé nan contra e fuerte rayo di solo tropical
haciendo uso di e extenso surtido



di brilnan di solo di ultimo estilo cu a caba di yega
den nos departamento optico.

Haci nos un bishita y convence bo mes.

Nassaustraat 47 — Oranjestad — Telefoon 1197